

## Das Funffzehende Ca- pitel.

Ob zwo Adern auff einen Tag zu  
schlagen seyn/ vnd wie man sich hierin-  
nen zu verhalten habe.

**S**leich wie im Menschlichen  
Cörper ein Glied fürtrefflicher vnd  
edeler ist / als das ander: Also ist  
auch ein vnterscheid vnter dem Blut / nach  
vnterscheid der Glieder. Denn ein ander  
Blut / vnd zwar ein mittelmessiges; bedarff  
die Leber zu ihrer Nahrung: Ein ander  
Blut / vnd zwar ein gröbers / der Milk:  
Ein ander Blut / vnd zwar das allerbeste  
vnd edelste / das Herz: Ein ander Blut /  
vnd zwar ein Wasserichtes / das Gehirn:  
Ein ander Blut / so fast das geringste / die  
Beine. Also ist an einem Ort die Ader mit  
weniger Gefahr / oder Nachtheit der Kräfte  
ten zu schlagen / denn an einem andern.

Die Schenckel haben in sich ein kalt  
Geblüt / weil sie weit vom Herzen / vnd vnt-  
ter demselben entlegen: Denn ein schwe-  
res /